


特別
25
3537
43





3233
43

(Faint, mirrored text bleed-through from the reverse side of the page, appearing as ghostly impressions of Chinese characters.)

(The right page of the manuscript is mostly blank or contains extremely faint, illegible text.)

特
門 九 5
號 3537
卷 43

重修揚州府志卷之六十四

金石志

案志乘之載金石與收藏家不同前人如集古錄金石錄之類皆得其拓本而已志乘則必求其碑碣之所在否則市肆流傳皆將編載無復界域矣至揚郡本大都會縉紳富賈比盧接踵出其玩好之藏豈暇遍登簡策茲故惟以實在廣陵者為主他雖商彝周鼎流播於茲正如過客偶經不敢遽以為地產也

漢

廣陵太守馬稜頌德碑

後漢書本傳云吏民刻石頌之今無攷

甘泉山漢

刻殘字

石三段今嵌置揚州府學

寶應縣孔子見老子畫像題字

畫像

共二石一石有題字今在寶應縣射陽聚下關一字廣陵海西人無撰人姓氏年月輿地碑目云在揚州案海西今屬海州距揚州甚遠碑目之言未

俞鄉侯季子碑

歐陽修集古錄載碑云君諱熊字孟

知何據以舊志
所有姑仍之

齊

褚澄墓修養醫方刻石

南齊褚澄刻石柳後冢發為蕭
廣得之復刻於廣陵城北三十

五里陳源
橋見冢記

梁

孝敬寺刹下銘并發願文

無撰書人姓氏在眞州靈
巖山法義禪寺見碑目

隋

釋慧海碑

秘書學士王春撰續
高僧傳云碑在揚州

釋慧覺紀行碑

秘書學
士虞世

南撰續高僧傳
云碑在揚州

開皇蘭亭石刻

在府治內有
董其昌跋

唐

江都長樂寺往方禪師英身

六年立

果院碑

無撰書人姓氏
貞觀間在東臺

姚崇紀德碑

無撰書人姓氏
景龍間立

禪智寺三絕碑

吳道子畫寶誌
禪師像李太白

顏真卿書

揚州慶雲寺
見山谷集

邵伯康謝公廟碑

顏真卿書
見山谷集

揚州慶雲寺

淮南節度使崔圓頌

淮南節度使崔圓頌
元

律師一公碑

李華撰張從申書
大

揚州節度行軍司馬廳壁

龍興寺法慎律師碑

李華撰張
從申書

在

白鶴廟池碑

柳識撰張從申書
在

揚州見趙靈均金石

杜佑賓佐記

在

龍

淮南節度使瀟陵公杜佑寫真讚

符載撰石刻廣
陵龍興佛寺壁

柱八角石柱題名 在堡城興教寺 國朝郡人岐

國杜公淮南遺愛碑 權德輿撰 揚州牧杜公通愛

陂水門記 梁肅撰貞元 揚州太守郡圃王鈞亭記

揚州華林寺大悲禪師碑銘 賈餗撰元和十

廣陵白沙大雲寺碑 顧況撰無年 淮南監軍使院廳

淮南監軍韋元素碑 丁居晦撰柳

淮南節度李公

頌德碑 新唐書李珣傳云珣為淮南節度使卒淮

南節度使崔從神 蔣仲撰柳公權書大 高駢碧筠亭

碑刻石 無年只撰 石塔寺天祐四年石幢 無撰人姓

小金瓶舍利明崇禎 佛頂尊勝陀羅尼經石幢 刺史

李師簡造僧全 泰立在揚州

案舊志載唐淮南都梁山倉記脫淮字都梁在今

盱眙故不錄

吳南唐五代

吳尋陽長公主墓誌銘 危德興撰順義七 南唐大明

寺殘碑 無撰書人姓氏保大七年在揚州棲靈寺石

約二十六 後周祕書丞知泰州事敬公頌德碑 撰書

宋

新建高郵軍城記撰書姓氏佚當在開寶時立見碑目揚州建隆寺碑王禹偁撰至道三年在揚州

泰州張侯祠堂頌范仲淹撰天聖六年揚州郡圃新園亭記王安石撰慶曆二年十二月

揚州帥府廳壁題名記韓琦撰慶曆七年三月揚州龍興寺

十方講院記王安石撰無年真州長蘆寺經藏記王安石撰嘉祐二年十二月聲隅先生祠堂記蘇頌撰嘉祐四年海陵許氏南園記歐陽修撰無年泰州玩芳亭記劉敞撰無年邵伯埭

法華寺銅鐘銘蘇軾撰無年高郵使君四達齋銘蘇軾撰無年揚州石塔寺戒衣銘蘇軾撰無年江都院令

羅適碑秦觀撰在邵伯埭法華寺揚州石塔佛舍芝室記秦觀撰無年州禪居寺五百羅漢殿記秦觀撰無年興化縣范文正公祠堂記葉大發撰景定庚申露筋貞女祠碑米芾撰并書紹聖元年立見舊志

禪智寺正覺堂王荆公贈俞秀老詩六編刻石僧仁平撰山堂記沈括撰嘉祐八年揚州九曲池新亭記沈括撰治平二年高郵縣尉廳壁芭蕉軒記華鎮撰無年葬遺骸記李昭玘撰

元豐四年秦州新修桑子河堰記呂祖謙撰淳熙四年真州軍重修上新河碑記虞儔撰慶元五年揚州平山堂後記洪邁撰

在平山堂泰州報恩光孝禪寺最吉祥殿碑陸游撰慶元六年真州軍重修軍重修學宮記韓元吉撰乾道三年泰州軍鼓樓記韓元吉撰

在泰州泰州軍麗譙樓記韓元吉撰淳熙中高郵軍社稷壇記

陳造撰無年 高郵軍署繼雅亭記 陳造撰無年月 高郵軍署知

樂亭記 陳造撰 高郵軍署蜚雲亭記 陳造撰 高郵軍署引月

亭記 陳造撰 高郵軍署靜觀軒熙然亭記 陳造撰 揚州進士

題名記 陳造撰序無年 高郵軍學教授應緯之畫像記 陳造撰

撰無年月 揚州九曲池五龍廟記 陳造撰嘉泰元年 高郵軍

修貢院記 陳造撰無年月 眞州軍快哉堂記 陳造撰無年月 高郵

軍安撫使陳造宅記 陳造撰無年月 眞州胥浦橋三將軍

廟記 劉宰撰嘉泰元年 思賢堂記 岳珂撰無年月 揚州學陳

成肅公畫像記 孔武仲撰無年月 眞州軍通江木牖記 胡宿撰天

聖四年 高郵衆樂園記 楊幡撰元祐三年 高郵軍元祐太守

題名記 鄧忠臣撰 眞州局岫亭記 張汝賢撰 眞州重修

壯觀亭記 楊萬里撰紹興二年四月 重修恭愛廟碑記 孫侔撰熙寧

眞州吳知郡祠記 丁宗魏撰 蘇軾送孝博使嶺表詩 蘇軾撰

撰并書元祐七年明盛儀跋萬麻己卯刻石在揚州州

上方寺 國朝王士禎有訪東坡石刻次韻詩 揚州州

學藏書樓記 正書劉徽篆蓋咸 高郵文游臺圖刻石 李

時 泰州浮香亭秦觀蘇軾蘇轍參寮詩刻石 紹定元年 陳垓

立 范公隄石碣 元詹士龍修隄得二石一刻逢詹再 揚

州靖安河記 吳聿撰 泰州淮東提舉司記 陳垓撰無年月 資政殿

學士韓忠獻公雍熙院畫像記 蔣之奇撰無年月 興化縣儒

學碑記 范仲淹撰 大明寺水記 歐陽修撰無年月 多寶塔記 王化基

三 清畫堂石刻 蔡襄書毛滂刻在揚州平山堂記樓鑰

年 定三 揚州平山堂記 張懷撰 淮東安撫司幹辦公事題名

記 方岳 眞州軍新城記 無撰書人姓名乾道四年 眞州重葺築兩翼

城記 吳機造薛洪撰 眞州重葺築兩翼城記 盧祖臬撰

年 眞州改作兩翼城記 張端義撰 眞州改作兩翼城記

劉宰撰 寶 風月亭記 趙彥縮撰 重葺軍事判官廳記 王

必撰 紹 司法廳記 劉宰撰 眞州資福寺立試院記 原

淳熙十 重建安驛記 陳琪撰 紹 眞州資福寺立試院記 吳

年 放生池記 余襄撰 重修放生池記 無撰書人姓名 重

修陳公塘記 李孟傳撰 重修石牖記 張伯珙撰 眞州軍

復建學校記 沈立方撰 紹 重修學舍記 呂師龍撰 高宗

御書四箴 石二在眞州儒學祭器記 楊焯撰 嘉 儀徵縣

學古鐘銘 學生口潤 重建社稷壇記 熙十五年 吳知郡

祠壁記 吳機撰 潘使君祠記 無撰書人姓名 豐知郡祠

記 張翼撰 嘉 吳知州祠記 丁宗魏撰 法雲寺記 龔槐撰

卯 眞州東園記 歐陽修撰 蔡君 麗芳園記 孫虎臣撰 壯

觀亭局刻石 米芾書 壯觀亭記 劉濤撰 政 注月亭記 趙

撰 淳熙 天開圖畫亭記 熙十三年 重修高郵軍城記 善

文 撰 趙侯修水門記 徐元德撰 重修文游臺記 應公

慶元 高郵不欺堂記 王寧撰 程太守賑濟記 趙善撰 淳

戊午 高郵不欺堂記 王寧撰 程太守賑濟記 趙善撰 淳

金石

六

高郵軍社稷壇記 黃震撰咸淳四年 紹興三鉅公祠記 戴補撰無年月

五龍王廟記 曹叔遠撰嘉定四年 高郵軍嶽廟記 應公武撰 水利使陳

損之祠堂記 俞允成撰無年月 知高郵軍邵不疑紀事碑 高

郵守程開一頌德碑 無撰書人姓氏淳熙中 重修興化縣儒學記

陳垓撰嘉定十七年 興化縣滄浪清風樓記 陳垓撰嘉定十七年 興化縣濯

纓亭記 吳莘撰 泰州軍郡守題名記 陳文弼建顧簡撰淳熙十四年 泰州

西場東海道劉景韶平倭塚碑 無撰書人姓氏年佚 泰州軍牧

守題名記 顧簡撰淳熙十五年 泰州軍提學壁記 戴溪撰紹熙五年 海陵

教授記 齊璧撰年佚 登科姓名記 撰人缺紹熙五年 海陵縣甲仗庫

記 樊景陽撰至和三年 泰州方洲記 李駿撰嘉定辛巳 重刻李陽冰城隍

神廟碑 蔡駟刻 泰州軍唐灣三秀堂記 劉既濟撰將燦書年月佚 泰州

軍郡佐題名記 黃貴撰嘉祐二年 楚州寶應縣知縣題名記 賈

元

通真萬壽宮記 程鉅夫撰大德丁酉在儀徵 揚州重建元妙觀記 程

儀真醫士王君迪可山記 吳澄撰無年月 李君遷甫復菴記

吳澄撰無年月在儀徵 河北馬仲溫僑居真州遠清堂記 吳澄撰 鏡

蘇亭記 郝經撰中統五年在儀真 揚州普門禪菴碑記 危素撰至正十三年 揚

州正勝寺碑記 危素撰至正二年在甘泉 揚州路學田記 正書程復識至元丁

丑在府學 御史箴 正書鮮于伯機撰并書趙孟頫跋大德三年在鹽政院署 顯靈義勇武

安英濟王碑馮子振正書天祿二年雷塘昭佑王廟碑記

馬允升撰正書大德五年今在阮氏墓庭加封孔子詔書正書大德十一年在府學加封

孔子詔書正書皇慶元年剏塑北極真武聖容記戈源清撰正書

至元二揚州路學造歲月碑行書泰定三年在府學揚州路學田

記蘇天爵撰王恩齊正書至正五年在府學三至碑無撰書人姓氏年月元

三至豐樂酒庫真武廟碑張榮祖撰正書至正五年儀真長生觀記沈昂撰

泉撰年高郵王氏崇節堂記沈昂撰無年月興化縣學加號誥

命碑正書大德十年東市河紀家橋記紀文昇建至正間成化

三絕碑府城關侯廟碑刻江東宣慰使珊竹介神道碑趙孟頫書在儀

真蜀岡義城里人因呼趙萬戶墓碑趙萬戶墓碑趙孟頫書在儀

崔桐儀真縣攔潮牘記楊一清撰宏治十四年重修揚州府堂記

楊一清撰儀真縣官河義塚記黃瓚撰宏治十六年儀徵縣復建

正德庚辰通濟牘記黃瓚撰宏治乙丑揚州重修大明寺碑記羅玘撰正

揚州大明寺殘碑無撰書人姓氏年月江都縣學進士題名記邱濬

撰無江都縣學科貢題名記李東陽撰無年月重浚宋涇河記

宋曰藩撰儀真縣冷家灣江田記許壽撰隆慶二年維揚書院

志道堂銘湛若水撰無年月重修江都縣儒學記湛若水撰嘉靖四年胡

安定先生祠堂記湛若水撰年甘泉行窩記呂柟撰無年月重

建文廟學宮記呂柟撰嘉靖十七年重建高郵州文廟碑呂柟

撰嘉靖巡鹽御史憲度餘思軒記儲懔撰無年月揚州府

丁酉

學文津橋記

儲懽撰萬曆十三年

揚州鈔關浮橋記

儲懽撰正德戊寅

泰

州關帝廟記

儲懽撰

泰州修儒學泮池記

嘉靖乙巳揚州

州重修董子祠記

戚賢撰嘉靖十九年

新開運鹽河記

林春撰嘉靖十五年

海場重修安定胡先生祠記

林春撰無年

重修范文正

公祠堂記

公祠堂記

李春芳撰嘉靖壬子在興化

王公生祠記

李春芳撰無年

化縣觀音閣碑記

李春芳撰

重修瓜洲鎮龍池碑記

之撰嘉靖癸卯

儀真縣重修儒學記

鄒守益撰嘉靖八年

揚州府新置學

田記

鄒守益撰無年

揚州文峰寺佛塔記

王世貞撰無年

東原范

公撫孤記

顧璘撰無年

興化縣城隍庵新建前楹記

撰嘉靖壬子

興化縣胡公祠記

宗臣撰嘉靖三十八年

寶應縣開築學

明

陳氏先德碑銘

解縉撰洪武中在儀真

泰九女塚神道碑

楊士奇撰無年

月在揚州董子祠記

楊士奇撰

蘭亭東陽本

揚州僧舍後地得二

石皆蘭亭一缺其前一缺其後

鹽運使何英裁齊合為

一前所存者十八行止猶不二字

後存者十行起能不

相近清韻可愛

陵進士題名記

周敘撰無年

揚州上方寺碑記

魏驥撰無年

揚州蕃釐觀記

魏驥撰

江海潮神祠記

高穀撰景泰六年

洲江淮勝槩樓記

王英撰正統十三年

重修泰州儒學記

王英撰

年東臺場三賢祠記

張文撰天順壬午

重修儒學兩廡記

張文撰

在泰州

揚州府重修白獺河記

王與撰成化癸巳

儀真縣新

建四牘記 王德撰宏治元年 儀真縣東關浮橋記 莊昶撰成化二十三年

泰州捍海堰記 高宗本撰成化十三年 揚州天寧寺青龍泉記 高宗本撰成化十七年 寶應縣學田記 汪道昆撰 寶應縣呂家潭東

嶽廟碑 吳中行撰 關王廟碑記 朱應辰撰 寶應縣懷關

樓碑 吳中行撰 揚州真武廟碑 王軌撰正德三年 寶應縣聞人

公生祠碑 王軌撰嘉靖丁亥 揚州察院西園觀德亭記 洪垣撰嘉靖丁酉

兩淮巡鹽御史署一鑑亭銘 洪垣撰無年 儀真縣修

牘紀事碑 景陽撰無年月 大忠節祠增祀宋刺史趙公記 明英撰

兩淮轉運使題名記 崔桐撰無年月 泰州院治記 崔桐撰

安定胡公書院碑記 崔桐撰無年月 竹西草堂記

河并重修儒學碑記 仲承嘉撰嘉靖甲子 泰州續科第題名記 黎堯勳撰嘉靖辛丑

高郵重修城隍廟記 張繩撰嘉靖二十年 高郵州城河三

牘記 張繩撰無年月 儀真縣何家港石橋記 趙鶴撰嘉靖中 興化縣重

浚玉帶河記 李思敬撰無年月 督撫中丞李襄敏公祠碑 陳堯

姚代巡開海口碑記 凌儒撰無年月 心齋祠堂記

泰州重修儒學記 凌儒撰無年月 泰州新設儒學

義田記 凌儒撰無年月 泰州修城垣記 凌儒撰萬曆丙戌 梅花嶺吳公

祠碑記 凌儒撰碑嵌蕭孝子祠壁間 舒海道開海口碑記 凌儒撰無年月

寶應縣崇報祠碑 吳敏道撰無年月 寶應縣新開宏濟河諸

公生祠記 吳敏道撰萬曆甲申 寶應縣新建觀音閣碑記 吳敏道撰隆慶

寶應縣新修陰隲河記吳敏道撰萬曆十九年寶應縣新建張

仙祠碑記吳敏道撰御史大夫李公生祠碑吳敏道撰

應寶海防大參姜公生祠碑吳敏道撰零都李公生祠

碑吳敏道撰東郡耿公生祠碑吳敏道撰寶應

縣新建碧霞元君廟碑吳敏道撰泰州修儒學記李維楨撰

萬曆二儀徵縣王公祠記李維楨撰李父母浚丁溪海

口記陳應芳撰淮海繹思碑記陳應芳撰泰州修學

浚河記陳應芳撰富安場彭公祠記李思誠撰

州重修三賢祠記李思誠撰興化縣重修儒學記李思誠撰

誠撰無重修宗子相祠記李思誠撰揚州高氏遂初園

記鄭若庸撰揚州重修府學碑人闕宣德揚州重修

府學記陳敬宇撰趙輝正書嘉靖御製敬一箴正書嘉

六月在修祭器記正書嘉靖揚州府儒學記葉相撰

書嘉靖二十興化縣重修儒學碑趙宋撰揚州府蔣

公德政碑李承述撰揚州府學新修文廟聖樂碑周延儒撰

世撰正書崇禎揚州府學陳公課士碑鄭茂華撰鄭鄭行書

崇禎元年揚州府學陳公課士碑鄭茂華撰揚州府城南文峯寺碑

揚鹽院捐學田記正書崇禎揚州府城南文峯寺碑

李承式撰李文植新建金臺禪院碑記隸書卞紹光撰

立石萬曆壬辰崔一鳳書萬曆四十一重建碧霞元君宮碑記行書王

年在缺口門外花園北重建碧霞元君宮碑記納諫撰

文萬厯四十一登寶勝教寺百福樓詩刻石明陳獻章行書在缺

口門外寶勝寺壁重修揚州救生寺碑記行書間士選撰文萬厯三十八年在東關

外故史忠正公家書行書十六行嵌置祠壁重修揚州宋文丞相

祠記行書龍遇奇撰萬厯四十七年南門外九龍橋謁文山祠記朱廷立書劉璣立石

嘉靖己丑在南門外九龍橋修揚州文丞相祠記正書張九功款識嘉靖丁巳謁

文山祠題壁涂相撰行書嘉靖丁酉謁文山祠記張珩正書嘉靖二年兩淮

巡鹽御史臺鑑亭題名碑記戴金撰嘉靖乙酉重浚風井運河

記無撰書人嘉靖乙巳繆氏二賢祠記揚果撰無年楊公堰記張

重修運司解記呂賢撰正德丁卯兩淮運使誓亭記朱冠撰正德五

年巡鹽御史題名記何孟泰撰泰州天目山記胡紡撰無年高郵

康濟河記劉健撰宏治初瓜洲鎮五賢書院碑記王納諫撰嘉靖丁未寶

應縣儒學興讓堂記高攀龍撰年劉白川公生祠記徐嵩撰年

月江都縣陸抑之頌德碑無撰書人姓氏成化十一年揚州兵備道

劉子威祠記徐嵩撰嘉靖三十六年高郵州守吳景猷去思碑無撰書人

書人姓氏年揚州海防兵備道胥際明去思碑無撰書人姓氏年海

防兵備道鄭養冲紀政碑無撰書人姓氏萬厯四十四年揚州同知趙

虞佐頌德碑無撰書人姓氏崇禎時揚州府新築外城記何城撰嘉靖丙

辰揚州府重修養濟院記劉珣撰天順七年重修江都縣學記

吳桂芳撰嘉靖王子揚州府新修江都縣儒學記葉觀撰年月揚州府

資政書院記張元徵撰宏治己酉新浚市河記吳秀撰萬曆辛卯重遷董

子祠記喬宇撰揚州文丞相祠堂記劉澄甫撰蔣公祠正德十年

記葉相撰嘉兩淮都轉運使范公祠記葉相撰嘉維揚靖庚子

郡城南文昌閣碑孫鑛撰重刻衡山禹王廟碑崔與揚

州重修城濠記李銳兩淮鹽司三門記李銳揚州府譙

樓鐘銘羅玘撰宏揚州修水關記崔桐撰嘉揚州義濟

橋記葉相撰江都縣重建學記王俱撰成世宗御書敬

一箴知縣趙訥勒石宋儒四箴刻石同甘泉山館記洪

年無仰宸樓記徐九皋撰嘉重修董子祠記全問撰重

修董子祠記呂柟謁董子祠記朱廷董子祠碑宗元鼎

廣陵三先生祠記胡植撰嘉邵伯隸遷晉太傅謝

公像記沈珠撰隆司徒廟碑吳秀重修大時寺記葉觀

順大儀鄉鐵佛寺六面碑刻江都縣學明倫堂記蔡

問揚州府重修儒學記葉向廣陵下忠貞公祠堂記王

諫平山堂文徵明詩刻石國朝江瓊花圖刻石江

都縣學題名記趙訥儀真新築月城記尹臺撰寶儀真

縣新建敵臺記姜琛撰崇儀真縣鼓樓記夏英撰成化

儀真縣井亭記莊景撰宏儀真縣重修廣實倉記王大

嘉靖二年漕撫行臺記劉節撰嘉儀真縣重修工部分司

記周英撰成新修工部分司說徐穆撰宏工部分司題

名記朱應昌撰重修遞運所記夏英撰成新建四牖記

錢溥撰成 儀真縣濟民橋記 夏英撰成化二十三年 廣濟橋記 沙稷

撰嘉 重建胥浦橋石梁記 李文撰萬曆中 重修蓮花堰永濟橋

記 吳志行撰萬曆癸未 新建龍門橋記 姜採撰年 重修學宮記 蕭維楨撰

天順 儀真縣科第題名碑 無撰書人姓名 科第題名記 周洪

化五年 世宗御製五箴註敬一箴敕諭 凡七石 名宦鄉

賢祠記 廖道南撰嘉靖三年 重修城隍廟碑 陳敬宗撰正統壬辰 重修城隍

廟碑 楊孫仲撰嘉靖乙未 孚惠先生廟記 李文撰隆慶六年 增祀宋刺史

趙公記 敖英撰嘉靖元年 東園書院碑記 申嘉瑞撰隆慶間 茅司徒廟

記 張珪撰無年月 移建清忠英烈王廟記 李文撰隆慶元年 大忠節祠

院記 汪偉撰無年月 秦郵公館記 趙來享撰隆慶三年 重修文游臺記 元王

凱撰正德 高郵董翰林宅記 任亨泰撰年 滅蝗碑 涂健撰嘉靖十

年 賞豐亭記 鄧詒撰嘉靖已未 重刻露筋碑記 都穆撰重刻 重建露筋

貞女祠記 閻士選撰萬曆元年 英烈夫人毛惜惜墓記 李長祥撰無年月

重修露筋廟碑 曲遷喬撰無年月 都御史唐公遺愛碑 徐穉撰嘉靖二

年 十五 重修康澤侯廟記 邵南撰嘉靖壬寅 臨澤鎮禹王廟碑 柳文

撰隆慶 高郵河院寺石額 國朝掘河得之 重修元妙觀記 高昭

撰永樂 重修高郵儒學碑記 金銑撰年 興化縣重建開元

觀碑記 永樂十年 興化縣學題名碑 興化縣文廟祭器

記 凌登瀛撰萬曆乙酉 御製卧碑 洪武十五年 聖諭碑 洪武十五年 敬一箴

碑同程子四箴碑上范氏心箴碑嘉靖五年立興化縣學題

名碑李思誠撰萬曆三十七年興化縣重修儒學碑柴陞撰成化元年邑侯

李公重修廟碑李思誠撰天啓元年司訓張公德教碑宗周撰隆慶二年

邑博孫公去思碑宗周撰萬曆十二年宗公楷範碑萬曆十四年刊定

學租碑萬曆十四年重修興化縣儒學廟碑記張睿撰無年月興化

縣儒學泮池記黃仲昭撰無年月濯纓亭記尹直撰成化癸卯新修玉

帶河記傅珮撰嘉靖巳亥興化縣城拱極臺碑記向淇撰無年月興化

縣修復土橋記楊果撰嘉靖元年李侯修河塘記解宋撰隆慶辛未興

化縣新建關王廟記程鳴尹撰嘉靖戊午興化縣義葬園記宗周撰嘉

靖戊與化縣洪公永賴祠記蔡昂撰興化縣傅侯生祠

碑記許穀撰無年月興化縣李公祠記袁株撰隆慶戊辰興化縣凌公

生祠記趙宋撰無年月興化縣王公生祠記袁株撰無年月李文定公

崇德祠記李戴撰無年月重修永興倉記歐陽東鳳撰重修宗子相

祠記李思誠撰六事興革碑知縣耿隨龍撰嘉靖辛亥寶應縣儒學題名

記楊守陳撰無年月寶應縣教諭訓導題名記朱廷輔撰無年月重修

儒學記陳敬宗撰正統癸未寶應縣重修儒學碑記章綸撰成化二年八月

寶應縣蘭亭禪院碑李贄撰無年月寶應縣重修儒學碑記許

撰嘉靖寶應縣修學記孔承先撰新築狀元峯碑記宏

庚寅寶應縣周家井刻石聞人詮立寶應縣槐樓鎮

編撰嘉寶應縣周家井刻石聞人詮立寶應縣槐樓鎮

靖庚子寶應縣周家井刻石聞人詮立寶應縣槐樓鎮

清源祠碑高昭撰洪武間寶應縣邑厲壇碑無撰書人姓名海防

憲使劉公生祠碑葛浩撰寶應縣令豐城李公生祠碑

耿隨龍撰陳燧撰寶應縣義塚記陳燧撰重建忠祐祠記唐敬

撰宏治遺愛橋碑記于慧撰靜觀亭銘胡捷撰泰州南

山寺碑李鵬撰泰州西場東海道劉景韶平倭塚碑無撰

書人姓氏重修泰州儒學記王英撰正建儒學泮橋記

張微撰宣新建儒學義倉記王陳策撰浚通學渠記撰

缺年重建望海樓記徐嵩撰范文正公祠堂記楊果撰

丑月重修安定胡先生祠記林春撰泰州崇儒祠記李春撰重

修思旻王公祠記王廷瞻撰胥道尊修城垣碑記凌儒撰嘉

海安鎮劉公生祠碑記蔣應熊撰憲去思碑記劉宏撰重

建尊經閣記錢受益撰海陵泰山碑無撰重修禪智寺

碑魏驥撰

重修揚州府志卷之六十四

重修揚州府志卷之六十五

事略志一

案維揚為南北要衝史乘所載事蹟較多今輯為事略一志其有宦斯土者武功忠

節多與事略相連即詳載此志不更入宦蹟以省重複

周

魯哀公九年秋吳城邗溝通江淮

春秋左氏傳

楚懷王槐十年城廣陵

史記六國表

秦

二世元年七月陳涉等起大澤中廣陵人召平為陳王

徇廣陵

史記項羽紀案資治通鑑載入二世二年

漢

高祖三年嬰度淮盡降其城邑至廣陵漢書高祖紀下 嬰傳

六年正月立劉賈為荆王漢書高祖紀下 地理志廣陵國屬荆

劉賈高祖從父兄為將軍有功立為荆王王淮東六

年而黥布反東擊荆賈與戰弗勝走富陵為布軍所

殺漢書賈本傳

項伯纏封射陽侯史記高祖功臣侯表 漢書師古注射或作賈後人改也

十一年秋淮南王英布反高帝自將往誅之荆王賈為

布所殺無後乃立濞為吳王史記濞本傳

惠帝三年射陽侯纏卒子睢有罪國除史記高祖功臣侯表

景帝三年春正月吳王濞膠西王卬楚王戊趙王遂濟

南王辟光菑川王賢膠東王雄渠皆舉兵反天子遣大

尉亞夫大將軍竇嬰將兵擊之漢書景帝紀

孝惠高后時天下初定郡國諸侯各務自拊循其民

吳有豫章郡銅山濞招致天下亡命者益鑄錢煮海

水為鹽以故無賦國用富饒孝文時吳太子入見侍

皇太子博爭道不恭皇太子引博局提吳太子殺之

吳王由此稱病不朝京師知其以子故驗問實不病

諸吳使來輒繫責治之吳王恐為謀滋甚及後使人

為秋請上復責問使者使者對曰王實不病漢繫治

使者數輩以故稱病且察見淵魚不祥惟上棄之而

與更始天子乃赦吳使者歸之而賜王几杖老不朝
 吳得釋罪謀亦益解鼂錯為太子家令數言吳過可
 削文帝不忍及孝景即位錯說上削楚吳趙膠西地
 吳王乃使中大夫應高詭膠西王身自為使於膠西
 面結之遂發使約齊菑川膠東濟南濟北皆許諾齊
 王後悔飲藥自殺濟北城壞未完其郎中令劫守其
 王不得發兵膠西為渠率膠東菑川濟南共攻圍臨
 菑趙王遂亦反陰使匈奴與連兵吳王下令國中曰
 寡人年六十二身自將少子年十四亦為士卒先諸
 年上與寡人比下與少子等者皆發發二十餘萬人

南使閩越東越東越亦發兵從三年正月甲子起兵
 於廣陵西涉淮因并楚兵天子乃遣太尉周亞夫將
 三十六將軍往擊吳楚遣曲周侯酈寄擊趙將軍爰
 布擊齊大將軍竇嬰屯滎陽監齊趙兵嬰未行言故
 吳相袁盎時家居召入見問計盎言獨斬錯復削
 地兵可罷乃拜盎為太常使吳史記鼻本傳竇嬰字王
 孫觀津人孝文時為吳相病免吳楚反上察宗室諸
 竇無如嬰賢拜大將軍七國破封魏其侯漢書嬰本傳
 袁盎字絲楚人徙安陵孝文時為吳相告歸吳楚反
 盎以泰常使吳吳王使將不肯欲殺之使一都尉以

五百人固守益盜為吳相時從史盜私益侍兒益遂以賜之及益見守從史適在守益校為司馬乃悉以

其裝齎買二石醇醪醉西南陬卒引益出歸報漢書益本

傳 鄒陽齊人吳王濞招致四方游士陽與嚴忌枚

乘等俱仕吳以文辨著名吳王以太子事怨望陰有

邪謀陽奏書諫不內去之梁漢書陽本傳 枚乘字叔淮

陰人為吳王濞郎中吳王之初怨望謀為逆也乘奏

書諫不內去之梁景帝即位鼂錯為漢定制度損削

諸侯吳王遂與六國謀反乘復說吳王王不用卒見

禽滅乘由是知名漢書乘本傳

二月諸將破七國斬首十餘萬秘追斬吳王濞於丹徒

漢書景帝紀

六月徙汝南王非為江都王王故吳地通鑑漢紀八案史記漢興以來諸侯年表

來諸侯年表作四年徙

武帝元朔元年十二月江都王薨漢書武帝紀

二年江都王建嗣漢書諸侯王表案表云江都易王立二十八年薨易王傳作二十七年

考非於景帝二年封汝南三年徙江都言二十八年者合汝南言之也建於元年嗣位猶上繫易王故以二年為始也

四年三月封城陽共王子表為廣陵侯漢書王子侯表案表史記作

表又案元朔四年為江都王建之三年是時又置廣陵侯其疆域析史文無考

元狩二年江都王建有罪自殺漢書武帝紀

建與易王所愛淖姬等十人姦女弟徵臣以易王喪

來歸復與姦游章臺宮令四女子乘小船以足蹈覆

其船四人皆溺二人死復游雷波師古曰波讀為破天大風

使郎二人乘小船入波中船覆兩郎溺攀船乍見乍

沒建臨觀大笑令皆死凡殺不辜三十五人專為淫

虐自知罪多恐誅與其后成光共使越婢下神咒詛

上聞淮南衡山陰謀遂作兵器刻皇帝璽事覺有司

請捕誅建自殺后成光等皆棄市國除地入於漢為

廣陵郡漢書江都

五年廣陵侯裘薨侯成嗣漢書王子侯表案裘立七年薨當在元狩四年表言五

年者成之始年也

六年立皇子胥為廣陵王漢書武帝紀案胥王江都故地時為廣陵侯成之二年

元鼎五年廣陵侯成坐酎金國除史記建元以來王子侯表

宣帝五鳳四年春正月廣陵王胥有罪自殺漢書宣帝紀

昭帝時胥見上年少無子有覬欲心迎女巫李女須

使下神祝詛宣帝即位乃止後胥子南利侯寶坐殺

人奪爵還廣陵與胥姬左修姦棄市相勝之奏奪王

射陂草田以賦貧民奏可胥復使巫祝詛如前事覺

藥殺巫及宮人二十餘人以絕口公卿請誅胥天子

遣廷尉大鴻臚卽訊胥謝曰罪死有餘誠皆有之事
久遠請歸思念具對胥既見使者還置酒顯陽殿召
太子霸及子女等夜飲使所幸郭昭君等鼓瑟歌舞
王自歌左右悉涕泣至雞鳴時罷卽以綬自絞死天

子加恩赦王諸子爲庶人諡曰厲王國除漢書胥本傳

元帝初元二年三月立廣陵厲王太子霸爲王漢書元帝紀

案國除凡七年

建昭五年廣陵王霸薨共王意嗣漢書諸侯王表攷表及厲王傳皆云霸

封十三年薨當在建昭三年其明年卽爲共王元年不當云五年傳寫有誤案霸諡孝王

成帝建始二年廣陵王意薨哀王護嗣同上案厲上

廣陵王護薨亡後同上案護當薨於鴻嘉四年故次於此據厲王傳云護嗣十六年薨表

作十五年傳又云絕後六年成帝復立孝王子守是爲靖王自建始二年至鴻嘉四年凡十五年下距元延二年正得六年是傳誤也

元延二年夏四月立廣陵孝王子守爲王漢書成帝紀

王莽居攝二年廣陵王守薨王宏嗣漢書諸侯王表案表云靖王守封

十七年薨厲王傳作二十年則已及莽篡之後不得云子宏嗣王莽時絕也當從表爲正又案江都易王傳

云平帝時王莽秉政與滅繼絕立建弟盱侯子宮爲廣陵王奉易王後莽篡國絕考宮封時正當靖王之世

是二廣陵王矣平帝紀元始二年立江都易王孫盱侯子宮爲廣川王不言廣陵諸侯王表又作廣世川世

形近傳寫必有一誤要之非廣陵則可無疑也

明帝永平元年八月徙山陽王荆為廣陵王遣就國後漢

書明帝紀

十年春二月廣陵王荆有罪自殺國除同

荆冀天下有變私迎能為星者與謀議帝聞之乃徙

荆廣陵後猶不改使巫祭祀祝詛有司舉奏請誅之

荆自殺帝憐傷之諡曰思王後漢書荆本傳

十四年夏五月封故廣陵王荆子元壽為廣陵侯後漢書明

紀

元壽為廣陵侯服王璽綬食荆故國六縣元壽卒子

商嗣商卒子條嗣傳國於後後漢書廣陵思王傳

縣元壽所食六縣史文不具傳商及條亦無年次可攷又案楊終傳云建初元年大旱穀貴終以為廣陵楚淮陽濟南之獄徙者萬數吏民怨曠乃上疏帝從之聽還徙者攷帝紀建初二年詔還坐楚淮陽事徙者四百餘家不言廣陵蓋思王前已續封當時本未考極其事非若楚淮陽之窮治累年死徙甚眾終特連及之耳

順帝永和三年夏四月九江賊蔡伯流寇郡界及廣陵

殺江都長後漢書順帝紀

漢安元年九月廣陵盜賊張嬰等寇郡縣是歲詣太守

張綱降同

冲帝永嘉元年張嬰等復反攻殺堂邑江都長冬十一

月中郎將滕撫擊嬰破之後漢書質帝紀

漢書

卷之六十二 事略一

七

廣陵賊張嬰復聚眾數千人反據廣陵太后以徐揚盜賊益熾博求將帥三公舉涿令北海滕撫有文武才詔拜撫九江都尉與中郎將趙序助馮緄合州郡兵數萬人討之三月撫等進擊眾賊大破之夏五月拜撫中郎將督徐揚二州事九月撫進擊嬰冬十一月破嬰斬獲千餘人通鑑漢紀四十四 滕撫字叔輔北海劇人為涿令七年道不拾遺徐揚盜賊羣起三公舉撫為九江都尉又拜中郎將督徐揚二州事擊賊悉平以撫為左馮翊撫性方直不交權勢宦官懷忿及論功當封太尉胡廣承旨奏黜撫天下怨之後漢書

質帝本初元年春正月廣陵太守王喜坐討賊逗遛下

獄死

後漢書質帝紀

桓帝延熹九年沛國戴異得黃金印無文字遂與廣陵人龍尚等共祭并作符書稱太上皇伏誅後漢書桓帝紀東觀記

日戴異鉅田得金印到廣陵以與龍尚見本卷注

獻帝初平元年關東州郡起兵討董卓廣陵太守超屯

酸棗

通鑑漢紀五十一

張超東平壽張人靈帝時為廣陵太守董卓圖危社稷功曹臧洪說超倡義超然其言西至陳畱見兄邈計事邈謂超曰聞弟為郡守政教威恩不由已出動

任臧洪洪者何人超曰洪才略智數優超海內奇士也邈引見洪大異之致之劉岱孔伷乃糾合義兵同

赴國難事見三國志臧洪傳

四年徐州治中王朗別駕趙昱說刺史陶謙遣使奉貢詔拜謙徐州牧加安東將軍封溧陽侯以昱為廣陵太

守朗為會稽太守通鑑漢紀五十二

是時徐方百姓殷盛穀實甚豐流民多歸之而謙信用非所刑政不理同郡人笮融聚眾數百往依於謙

謙使督廣陵下邳彭城運糧遂斷三郡委輸大起浮屠寺每浴佛就食及觀者萬餘人及曹操擊謙徐方

不安融乃將男女萬口馬三千匹走廣陵太守趙昱待以賓禮融利廣陵資財遂殺昱放兵大掠後漢書陶謙傳

孫策渡江居江都徐州牧陶謙深忌策策舅吳景時為丹陽太守策乃載母徙曲阿與呂範孫河俱就景吳志孫策傳

策在江都時張紘有母喪策數詣紘咨以世務紘見策忠壯內發辭令慷慨感其志言乃答曰君紹先侯

之軌有驍武之名若投丹陽收兵吳會則荆揚可一

讎敵可報據長江奮威德誅除羣穢匡輔漢室功業侔於桓文豈徒外藩而已哉策曰今便行矣同上注引吳麻

興平二年策渡江攻破海陵同上注引江表傳 案是時劉繇逐吳景據曲阿別

將屯於海陵

建安二年沛相陳珪使子登詣曹操操拜登廣陵太守

通鑑漢紀五十四

袁術遣韓允以僭號事告布因求迎婦陳珪恐徐揚合從為難未已往說布絕婚珪欲使子登詣曹操布固不許會使至拜布左將軍布大喜即聽登行并令奉章謝恩登見操因陳布勇而無謀輕於去就宜早圖之操即增珪秩中二千石拜登廣陵太守令陰合部眾以為內應後漢書 呂布傳

三年冬十月操屠彭城廣陵太守陳登率郡兵為先驅

以功加伏波將軍通鑑漢紀五十四

五年廣陵太守陳登治射陽通鑑漢紀五十五

十八年曹公攻濡須權與相拒月餘曹公恐江濱郡縣為權所略徵令內移民轉相驚自廬江九江斬春廣陵戶十餘萬皆東渡江江西遂虛吳志孫權傳

三國

文帝踐阼張遼等至廣陵討孫權臨江夜大風吳將呂範等船漂至北岸凌與諸將逆擊捕斬首虜獲舟船魏志

王凌傳

黃初元年郭淮封射陽亭侯

魏志淮本傳

二年遼屯雍邱得疾帝迎遼就行在所疾小差還屯孫

權復叛遣遼乘舟與曹休至海陵病遂篤薨於江都

魏志

張遼傳

五年八月為水軍親御龍舟循蔡頴浮淮幸壽春揚州

界九月遂至廣陵冬十一月還許昌

魏志文帝紀

六年八月帝以舟師自譙循渦入淮從陸道幸徐冬十

月行幸廣陵故城臨江觀兵戎卒十餘萬旌旗數百里

同上

帝如廣陵有渡江之志吳人嚴兵固守時大寒冰舟

不得入江帝見波濤洶湧嘆曰嗟乎固天所以限南

北也遂歸

通鑑魏紀二

車駕至廣陵濟表水道難通帝

不從於是戰船數千皆滯不得行還到精湖水稍盡

盡畱船付濟濟鑿地作四五道躡船令聚豫作土豚

遏斷湖水皆引後船一時開遏入淮中

魏志蔣濟傳

嘉禾三年五月遣孫韶張承等向廣陵淮陽

吳志孫權案宋

書天文志亦作淮陽通鑑作淮陰

五鳳二年七月使衛尉馮朝城廣陵

吳志孫亮傳

孫峻欲城廣陵朝臣知其不可城而畏之莫敢言惟

滕允諫止不從功竟不就

吳志孫峻傳

太平元年春二月朔峻用征北大將軍文欽計將征魏
八月先遣欽及驃騎呂據車騎劉纂鎮南朱異前將軍
唐咨自江都入淮泗九月丁亥峻卒以從弟緄為侍中
武衛將軍領中外軍事據等聞緄代峻大怒表薦衛將
軍滕允為丞相緄更以允為大司馬代呂岱據引兵還
欲討緄緄遣孫憲及丁奉施寬等以舟兵逆據於江都
吳志孫亮傳 案呂範孫緄傳憲並作慮攷孫權子慮
字子智封建昌侯假節開府嘉禾元年卒峻弟似不應
與之同名疑亮傳
為正通鑑亦作憲

高貴鄉公甘露三年二月陳騫進爵廣陵侯
晉書騫本傳 案騫

進封年月據魏志

周浚為揚州刺史封射陽侯
晉書浚本傳 案浚封年
月無攷據傳乃仕魏時事

始次三
國之末

晉

武帝太康十年十一月封皇孫通為廣陵王琅邪王弟

淮為廣陵公
晉書武帝紀

通幼而聰慧武帝愛之時望氣者言廣陵有天子氣

故封為廣陵王
晉書愍懷太子傳

惠帝永熙元年八月立廣陵王通為皇太子
晉書惠帝紀

太尉陳準封廣陵郡公
魏志陳泰傳注 據宋書荀伯
子傳及通鑑準當封於惠帝永

康元年故次於此準宋書作淮蓋准字之誤 又案
晉書石勒載記有廣陵公陳軫未詳所出附錄於此

永寧元年六月進廣陵公灌爵為王通鑑晉紀六

三王起義灌與王與攻殺孫秀因而廢倫以功進封

淮陵王晉書宣五王傳

太安二年五月義陽蠻張昌舉兵反七月昌別帥石冰

寇揚州十一月揚州秀才周玘前南平內史王矩前吳

興內史顧祕起義軍討冰冰退自臨淮趣壽陽征東將

軍劉準遣廣陵度支陳敏擊冰晉書惠帝紀

永興元年二月陳敏與石冰戰所嚮皆捷三月揚徐二

州平以敏為廣陵相通鑑晉紀七

陳敏既克石冰自謂勇略無敵有割據江東之志其

父怒曰滅我門者必此兒也遂以憂卒敏以喪去職

司空越起敏為右將軍前鋒都督越為劉祐所敗敏

請東歸收兵遂據歷陽叛通鑑晉紀八

二年陳敏反於揚州吳興人錢璿起義兵討敏命為建

武將軍使率其屬會京都璿至廣陵聞劉聰逼洛陽畏

慊不敢進帝促以軍期璿乃謀反玘率合鄉里義眾進

討璿斬之晉書周玘傳案敏反從帝編紀入此年

愍帝建興元年左丞相睿遣世子紹鎮廣陵以丞相掾

蔡謨為參軍通鑑晉紀十

元帝建武元年三月立世子紹為皇太子封哀為琅邪

王奉恭王後仍以哀都督青徐兗三州諸軍事鎮廣陵

通鑑晉紀十二

明帝太寧二年王敦舉兵內向徵奮衛將軍廣陵太守

陶瞻等還衛京師

晉書明帝紀

成帝咸和二年十一月祖約蘇峻等反車騎將軍郗鑒

遣廣陵相劉矩帥師赴京師

晉書成帝紀

郗鑒字道徽高平金鄉人明帝時遷車騎將軍都督

徐兗青三州軍事兗州刺史假節鎮廣陵咸和初領

徐州刺史約峻反鑒聞難便欲東赴詔以北寇不許

於是遣司馬劉矩領三千人宿衛京師詔進鑒為司

空鑒去賊密邇城孤糧絕人情業業莫有固志奉詔

流涕設壇場刑白馬大誓三軍登壇慷慨三軍爭為

用命

晉書鑒本傳

穆帝永和五年二月征北大將軍褚哀北伐秋七月進

次彭城遣部將王龕李邁及石遵將李農戰於代陂王

師敗績八月哀退屯廣陵

晉書穆帝紀

哀以授任失所威略虧損上疏自貶求畱鎮廣陵詔

使還鎮京口

晉書哀本傳

案哀傳王龕作徐龕李農作李菟石季龍載記與帝紀同疑哀

誤傳

廢帝太和四年夏四月大司馬桓溫帥眾伐慕容暉九

月至枋頭以糧運不繼焚舟而歸慕容垂追敗温後軍於襄邑冬十月温收散卒屯於山陽十一月温自山陽及會稽王昱會於涂中將謀後舉十二月遂城廣陵而居之

晉書廢帝紀

五年大司馬温自廣陵帥眾二萬討袁瑾敗瑾於壽春

通鑑晉紀二十四

六年十一月桓温自廣陵屯於白石

晉書廢帝紀

簡文帝咸安二年六月前護軍將軍庾希舉兵反自海陵入京口桓温遣東海內史周少孫討擒之斬於建康

市晉書簡文帝紀

孝武帝太元四年五月秦兵六萬圍幽州刺史田洛於

三阿去廣陵百里朝廷大震臨江列戍兖州刺史謝元

白廣陵救三阿大破之

通鑑晉紀二十六

案晉書天

陵三河眾五六萬六月兖州刺史謝元討賊大破之三河當作三阿元於太元二年為兖州刺史不當前十餘年便有討賊之事知升平為太元之誤與此實是一事宋書天文志不誤

謝元字幼度少為叔父安所重時苻堅強盛邊境數

被侵寇朝廷求文武良將可鎮禦者安以元應舉拜

建武將軍兖州刺史領廣陵相監江北諸軍事堅將

句難毛當圍三阿元自廣陵西討與賊大戰破之加

領徐州刺史還廣陵封東興縣侯及堅率兵次項城

眾號百萬元先遣廣陵相劉牢之五千人直指洛澗
生擒堅將收其軍實堅進屯壽陽列陣肥水元以
精銳八干涉肥水決戰堅中流矢眾奔潰以勲封康

樂縣公晉書元本傳

十年會稽王道子好專權與太保安有隙安欲避之會

秦王堅來求救安乃請自將救之出鎮廣陵之步邱築

壘曰新城而居之通鑑晉紀二十八

安帝隆安四年六月盧循陷廣陵死者三千餘人晉書安帝

紀案宋書天文志事在隆安五年通鑑從之

元興元年桓元將行篡逆誅不附己者廣陵相高雅之

江都長張謐內不自安皆奔於德

劉敬宣傳作奔慕容

二年十二月高祖與弟道規沛國劉毅平昌孟昶謀時

桓宏為青州刺史鎮廣陵道規為宏中兵參軍昶為州

主簿乃令毅潛往就昶聚徒江北起兵殺宏宋書武帝紀上

三年二月孟昶勸宏出獵未明開門出獵人昶道規毅

等率壯士五六十人因開門直入宏方噉粥即斬之因

收眾濟江同上

義熙八年劉毅疾篤郗僧施等恐毅死其黨危乃勸毅

請從弟兗州刺史藩以自副太尉裕偽許之藩自廣陵

入朝裕以詔書罪狀毅云與藩及謝混共謀不軌收藩及混賜死

通鑑晉紀三十八

十年司馬國璠兄弟聚眾數百潛渡淮夜入廣陵城青州刺史檀祗領廣陵相國璠兵直上聽事祗驚出將禦之被射傷而入謂左右曰賊乘間得入欲掩我不備但擊五鼓彼懼曉必走矣左右如其言國璠兵果走追殺百餘人

同上

宋

武帝永初三年三月檀道濟出為鎮北將軍南兖州刺

史鎮廣陵悉監淮南諸軍

通鑑宋紀一

少帝景平元年虜圍青州刺史竺夔於東陽城加道濟使持節監征討諸軍事與王仲德救東陽未至虜燒營焚攻具遁走將追之城內無食乃開窖取久穀窖深數丈出穀作米已經再宿虜去遠不可追乃還鎮廣陵

宋書

檀道濟傳

文帝元嘉四年八月太傅長沙景王神主隨子南兖州

刺史義興

當作欣

鎮廣陵備所加殊禮下船及至鎮入行

廟

宋書禮志二

七年三月詔右將軍到彥之統舟師入河又使驍騎將軍段宏將精騎直指虎牢豫州刺史劉德武將兵繼進

後將軍長沙王義欣監征討諸軍事出鎮彭城為眾軍

聲援以游擊將軍胡藩戍廣陵行府州事通鑑宋紀三

二十年夏四月立皇子誕為廣陵王宋書文帝紀

二十六年以廣陵王誕為雍州刺史改封隨郡王同上時

以廣陵影弊故改封

二十七年大舉北討以兵力不足尚書左僕射何尚之

參議發南兖州三五民丁父祖伯叔兄弟仕州居職從

事及仕北徐兗為皇弟皇子從事庶姓主簿諸皇弟皇

子府參軍督護國三令以上相府舍者不在發例其餘

悉倩暫行征符到十日裝束緣江五郡集廣陵宋書索虜傳

十一月魏主攻彭城不克十二月引兵南下使中書郎

魯秀出廣陵通鑑宋紀七 案秀前封廣陵侯乃東豫州之廣陵故不錄

車駕臨江起行宮於瓜步山永昌王仁自歷陽至於江

西高涼王那自山陽至於廣陵諸軍皆同日臨江所過

城邑莫不望塵奔潰魏書太武紀下

二十八年春正月魏人緣江舉火掠居民焚廬舍而去

通鑑宋紀八

拓跋燾率眾數十萬南出後無資糧惟以百姓為命

及過淮食平越石鼈二屯穀至是抄掠無所人馬飢

困聞盱眙有積粟欲以為歸路之資正月燾自廣陵

北返悉力攻盱眙

宋書臧質傳

初太祖聞虜寇逆焚燒

廣陵城府船乘使廣陵南沛二郡太守劉懷之率人

民渡江虜以海陵多陂澤不敢往山陽太守蕭僧珍

亦斂居民及流奔百姓悉入城有白米陂

米疑當作水

去

郡數里僧珍逆下諸處水注令滿須賊至決以灌之

虜不敢停引去自廣陵還攻盱眙不克乃燒攻具退

走燾凡破南兗徐兗豫青冀六州殺略不可勝計而

其士馬死傷過半國人並尤之

宋書索虜傳

魏主所過

赤地無餘春燕歸巢於林木

通鑑宋紀八

江夏王義恭

鎮彭城虜退走自彭城北過義恭不敢追其日民有

告虜驅廣陵民萬餘口夕應宿安王陂去城數十里

今追之可悉得諸將並請義恭不許經宿太祖遣驛

至使悉力急追虜先已聞知盡殺所驅廣陵民輕騎

引去

宋書義恭本傳

孝武孝建二年秋七月立皇弟休茂為海陵王

宋書孝武帝紀

大明元年八月司空南徐州刺史竟陵王誕改為南兗

州刺史

同上

二年發民治廣陵城

宋書竟陵王傳

誕循行有人干輿揚聲罵曰大兵尋至何以辛苦百

姓誕執之問其本末答曰姓夷名孫家在海陵天公

去年與道佛共議欲除此間民人道佛苦諫得止大禍將至何不立六慎門誕問云何答曰古時有言禍不入六慎門誕以其言狂悖殺之又五音士忽狂易見鬼驚怖啼哭曰外軍圍城城上張布白帆誕執錄二十餘日乃赦之同廣陵城南門舊不開云開南門者不利其主至誕乃開焉同

三年夏四月司空南兗州刺史竟陵王誕有罪貶爵誕不受命據廣陵城反殺兗州刺史垣闓以始興公沈慶之為車騎大將軍開府儀同三司南兗州刺史討誕宋書

孝武

誕知上意忌之潛為之備因魏人入寇修城浚隍聚糧治仗時道路皆云誕反會吳郡民劉成上書稱息道龍昔事誕見誕在石頭城修乘輿法物習唱警蹕道龍憂懼私與伴侶言之誕殺道龍又豫章民陳談之上書稱弟詠之在誕左右見誕疏陛下年紀姓諱往巫鄭師憐家祝詛詠之密以啓聞誕誣詠之乘酒罵詈殺之上乃令有司奏誕罪惡請收付廷尉治罪詔貶誕爵為侯遣之國詔書未下先以羽林禁兵配兗州刺史垣闓使以之鎮為名與給事中戴明寶襲誕闓至廣陵誕未悟也明寶夜報誕典籤蔣成使明

晨開門爲內應成以告舍人許宗之宗之告誕誕驚起呼左右及素所蓄養數百人執蔣成勒兵自衛天將曉明寶與閫帥精兵數百人猝至而門不開誕已列兵登陴自在門上斬蔣成赦作徒繫囚開門擊閫殺之明寶從間道逃還詔以沈慶之爲南兖州刺史將兵討誕誕焚郭邑驅居民悉使入城閉門自守分遣書檄邀結遠近時山陽內史梁曠家在廣陵誕執其妻子遣使邀曠曠斬使拒之誕怒滅其家誕奉表投之城外曰陛下信用讒言遂令無名小人來相掩襲不任枉酷卽加誅翦雀鼠貪生仰違詔敕又曰陛下官帷之醜豈可三緘上大怒凡誕左右腹心同籍期親在建康者並誅之死者以千數慶之至城下上慮誕奔魏使慶之斷其走路慶之移營白土又進軍新亭豫州刺史宗慤徐州刺史劉道隆並帥眾來會兖州刺史沈僧明慶之兄子也亦遣兵助誕見眾軍大集欲棄城北走畱中兵參軍申靈賜守廣陵自將步騎數百人親信並自隨聲云出戰邪趣海陵道慶之遣龍驤將軍武念追之誕行十餘里眾皆不欲去互請還城誕曰我還易耳卿能爲我盡力乎眾皆諾誕乃復還築壇歃血以誓眾凡府州文武皆加秩右

衛將軍垣護之虎賁中郎將殷孝祖等擊魏還至廣陵上並使受慶之節度慶之進逼廣陵城上命為三烽於桑里克外城舉一烽克內城舉兩烽擒誕舉三烽壘書督趣前後相繼慶之焚其東門塞塹造攻道立行樓土山并諸攻具值久雨不得攻城上使御史中丞庾徽之奏免慶之官詔弗問以激之自四月至七月雨止城猶未拔上將自濟江討誕慶之身先士卒親犯矢石克其外城乘勝而進又克小城誕聞兵入走趨後園隊主沈允之等追及之擊傷誕墜水引出斬之誕母妻皆自殺詔貶姓雷氏廣陵城中士民

無大小悉命殺之慶之請自五尺以下全之其餘男

子皆死女子以為軍賞猶殺三千餘口上聚其首於

石頭南岸為京觀侍中沈懷文諫不聽通鑑宋紀十一卜

天生為西陽王子尚撫軍參軍加龍驤將軍隸沈慶

之攻廣陵城天生推車塞塹率數百人先登西北角

徑至城上賊為重柵斷攻道苦戰移日不拔乃還詔

賜布千匹以厲眾校宋書孝義傳沈慶之字宏先吳興

武康人世祖踐阼為使持節督南兖豫徐兗四州諸

軍事南兖州刺史鎮廣陵進開府儀同三司封始興

郡公以年滿七十辭事就第大明三年竟陵王誕據

廣陵反復以慶之為南充州刺史率眾討之至歐陽
誕遣客沈道愍齋書說慶之餉以玉環刀慶之遣道
愍反數以罪惡誕餉慶之食提挈者百餘人慶之悉
焚之誕於城上函表倩慶之為送慶之曰我奉詔討
賊不得為汝送表每攻城輒身先士卒自四月至七
月乃斬誕進慶之司空宋書慶之本傳 賀弼字仲輔會稽
山陰人有文才為竟陵王誕記室參軍誕據廣陵叛
弼固諫再三誕怒抽刃向之乃止或勸出降弼曰公
舉兵向朝廷此事既不可從荷公厚恩又義無違背
惟當死明心耳乃服藥自殺贈車騎將軍山陽海陵

二郡太守 竟陵王傳

劉琨之遵考子為竟陵王誕

主簿誕以為中兵參軍辭曰忠孝不得並現之老父
在不敢承命誕囚之十餘日終不受乃殺之贈給事

黃門侍郎事見通鑑 宋紀十一

七年二月輿駕巡南豫究二州冕服御玉路辭二廟改
服通天冠御木路大麾備春蒐之典宋書禮志五

明帝泰始二年三月薛索兒將馬步萬餘人自睢陵渡
淮進逼青冀二州刺史張永營詔南徐州刺史桂陽王
休範統北討諸軍事進據廣陵又詔蕭道成將兵救永

通鑑宋紀十三

薛索兒擊破臺軍主高道慶走之於石鼈南齊書高帝紀上

泰始三年八月以中領軍沈攸之行南兖州刺史率眾

北討宋書明帝紀

六年南兖州刺史蕭道成在軍中久民間或言道成有異相當為天子上疑之徵為黃門侍郎越騎校尉道成懼不欲內還而無計得畱冠軍將軍廣陵荀伯玉勸道成遣數十騎入魏境安置標榜魏果遣遊騎數百履行境上道成以聞上使道成復本任秋九月遷鎮淮陰以侍中中領軍劉劭為都督南徐兖等五州諸軍事鎮廣

陵通鑑宋紀十四

戴僧靜還 陰太祖撫畜之常在左右僧靜於都載

錦出為歐陽仄所得繫兖州獄太祖遣薛淵餉僧靜

酒食以刀子置魚腹中僧靜與獄吏飲酒既醉以刀

刻械手自折鎖發屋而出歸太祖匿之齋內南齊書僧靜傳

南齊

高帝建元元年六月立皇子鑑為廣陵王南齊書高帝紀下

十一月魏遣假梁郡王嘉督二將出淮陰隴西公琛督

三將出廣陵河東公薛虎子督三將出壽陽奉丹陽王

劉昶入寇許昶以克復舊業世胙江南稱藩於魏南兖

州刺史王敬則聞魏將濟淮委鎮還建康士民驚散既

而魏竟不至通鑑齊紀一

三年領軍將軍李安民左軍將軍孫文顯與虜軍戰於淮陽大敗之初虜寇至緣淮驅略江北居民猶懲佛狸時事皆驚走不可禁止乃於梁山置一軍南置三軍慈姥置一軍洌州置二軍三山置二軍白沙洲置一軍蔡洲置五軍長蘆置三軍菰浦置二軍徐浦置一軍內外悉班階賞以示威刑南齊書魏虜傳

海陵王延興元年九月遣平西將軍王廣之誅南兖州刺史安陸王子敬南齊書海陵王紀

蕭鸞遣王廣之襲子敬廣之至歐陽遣部將齊陰陳伯之先驅伯之因城開獨入斬子敬通鑑齊紀五

冬十月詔廣陵年常遞出千人以助淮戍並可長停南齊書海陵

書海陵

皇太后令帝降封海陵王同上

明帝建武二年虜盛詔瓌以本官假節督廣陵諸軍事

行南兖州事虜退乃還南齊書張瓌傳

蕭穎胄為廣陵太守行南兖州事虜揚聲當飲馬長江

敕穎胄移居民入城百姓驚恐席卷欲南渡穎胄以賊

勢尚遠不即施行虜亦尋退南齊書穎胄本傳

東昏侯永元二年夏四月崔慧景於廣陵舉兵襲京師

南齊書東昏侯紀

帝既誅戮將相舊臣皆盡慧景自以年宿位重轉不自安明年裴叔業以壽春降虜改授慧景平西將軍假節侍中護軍如故率軍水路征壽陽軍頓白下將發帝長圍屏除出琅邪城送之帝戎服坐城樓上召慧景單騎進圍內無一人自隨者裁交數言拜辭去慧景既得出甚喜子覺為直閤將軍慧景密與期四月慧景至廣陵覺便出奔慧景過廣陵數十里召會諸軍主曰吾荷三帝厚恩當顧託之重幼主昏狂朝廷震亂危而不扶責在今日欲與諸軍共建大功以安宗社何如眾皆響應於是回軍還廣陵司馬崔恭

祖守廣陵城開門納之帝聞變以征虜將軍右衛將軍左興盛假節督京邑水陸眾軍慧景停二日便收眾濟江集京口江夏王寶元又為內應合二鎮兵力奉寶元向京師

南齊書慧景本傳

豫州刺史蕭懿起義救援慧景棄眾走斬首南齊書東昏侯紀崔慧景之平曲赦都下及南兖州本以宥賊黨而羣凶用事刑辟不依詔書無罪家富者不論赦令莫不受戮籍其家產與慧景深相關為盡力而家貧者一無所問

南史茹法珍傳

和帝中興元年蕭衍遣從弟寧朔將軍景鎮廣陵通鑑齊紀

初義師之逼東昏遣軍主左僧慶鎮京日常僧景鎮

廣陵李叔獻屯瓜步及申胄自姑孰奔歸又使屯破

墩以為聲援至是高祖遣使曉喻並率眾降乃遣從

弟景鎮廣陵梁書武帝紀上

梁

武帝太清元年三月魏侯景以西豫廣潁等十三州內

附八月乙丑下詔大舉伐東魏遣南豫州刺史貞陽侯

淵明南兖州刺史南康王會理分督諸將通鑑梁紀十六

二年八月侯景反十二月南康王會理入援景以封山

侯正表為南兖州刺史會理使廣陵令劉詢襲破之通鑑

梁紀十七 會理傳詳後

侯景至建康北徐州刺史封山侯正表鎮鍾離上召

之入援正表託以船糧未集不進景以正表為南兖

州刺史封南郡王正表乃於歐陽立柵以斷援軍帥

眾一萬聲言入援實欲襲廣陵密書誘詢使燒城為

應詢以告南兖州刺史南康王會理十二月會理使

詢帥步騎千人夜襲正表大破之正表走還鍾離詢

收其兵糧歸就會理與之入援同上

侯景遣董紹先率兵襲廣陵南兖州刺史南康王會理
以城降之景以紹先為南兖州刺史

梁書侯景傳

景以紹先為江北行臺使齎敕召會理紹先至廣陵
眾不滿二百皆積日飢疲會理士馬甚盛僚佐說會
理曰景已陷京邑欲先除諸藩然後篡位若四方拒
絕立當潰敗奈何委全州之地以資寇手不如殺紹
先發兵固守與魏連和以待其變會理素懦即以城
授之紹先既入眾莫敢動紹先悉收廣陵文武部曲
鎧仗金帛遣會理單馬還建康

通鑑梁紀十八

南康王會

理字長才為使持節都督南北兖北徐青冀東徐譙

七州諸軍事平北將軍南兖州刺史侯景圍京邑會

理治嚴將入援會北徐州刺史封山侯正表謀襲廣
陵會理擊破之方得進路臺城陷侯景遣前臨江太
守董紹先以高祖手敕召會理僚佐咸勸距之會理
曰諸君心事與我不同天子年尊受制賊虜今有手
敕召我臣子之心豈得違背且遠處江北功業難成
不若身赴京都圖之肘腋遂席卷而行以城輸紹先
至京景以為侍中司空兼中書令雖在寇手每思匡
復時范陽祖皓斬紹先據廣陵城起義期以會理為
內應皓敗辭相連及景矯詔免會理官復與柳敬禮

謀舉事遇害

梁書南康王績傳

安樂縣侯又理慷慨慕立

功名侯景內寇又理聚客赴南兖州隨兄會理入援

及城陷又隨會理還廣陵因入齊為質乞師行二日

會景遣董紹先據廣陵遂追獲之防嚴不得與兄相

見乃偽請先還都入辭母因謂其姊固安主曰兄若

至願使善為計自勉勿顧以為念前途亦思立效未

知天命何如耳至都以魏降人元貞忠正可以託孤

乃以玉柄扇贈之後祖皓起兵又理奔長蘆為景所

害元貞往收葬焉

南史梁武帝諸子傳又理傳以此事屬之通

案梁書無

云通理字仲宣又理字季英梁書則云通理字季英

又云通理對建安侯景傳云建安侯景斬侯景

簡文帝大寶元年春正月前江都令祖皓起義襲廣陵

斬賊南兖州刺史董紹先侯景自帥水步軍擊皓二月

景攻陷廣陵皓等並見害

梁書簡文帝紀

祖皓志節慷慨有文武才略大同中為江都令後拜

廣陵太守侯景陷臺城皓在城中將見害乃逃歸江

西百姓感其遺惠每相蔽匿廣陵人來疑說皓率勇

士耿光等百餘人襲殺景兖州刺史董紹先推前太

子舍人蕭勔為刺史結束魏為援馳檄遠近討景景

大懼即日率侯子鑒等攻之城陷皓見執被縛射之

箭偏體然後車裂以徇城中無少長皆埋而射之南史

皓本傳 案皓范陽 迺人具祖冲之傳 霍儁廣陵令邵陵王綸率眾

討侯景敗績綸奔京口賊獲儁等來送城下徇之逼

云已擒邵陵王儁獨云王小小失利已全軍還京口

城中但堅守援軍尋至賊以刀毆之儁言辭顏色如

舊景義而釋之事見梁書 侯景傳

四月景以侯子鑒為南兖州刺史梁書侯景傳

十月齊遣其將辛術圍陽平景行臺郭元建率兵赴援

術退同上 二年十一月景以郭元建為南兖州刺史太尉北行臺

如故同上 三年三月王僧辯等進營於石頭城北景列陣挑戰僧

辯率眾軍奮擊大破之景乃以皮囊盛二子挂馬鞍與

百餘騎東奔王偉委臺城竄逸侯子鑒等奔廣陵同上 案

此從帝紀載入大寶三年實景篡逆二年也

元帝承聖元年命王僧辯等東擊侯景南兖州刺史郭

元建秦郡戍主郭正買陽平戍主魯伯和行南徐州事

郭子仲並據城降王僧辯遣陳霸先將兵向廣陵受郭

元建等降又遣使者往安慰之諸將多私使別索馬仗

會侯子鑒度江至廣陵謂元建等曰我曹梁之深讎何

顏復見其主不若投北可得還鄉遂皆降齊通鑑梁紀二十

高祖率眾出應接會景將郭元建奔齊納其部曲三

千人而還陳書高祖紀上

夏四月齊主使大都督潘樂與郭元建將兵五萬攻陽

平拔之通鑑梁紀二十一 案潘樂北齊帝紀作潘相樂

樂為南道大都督討侯景發石龍南度百餘里至梁

涇州北齊書本傳

王僧辯破侯景辛術招攜安撫城鎮相繼款附前後二

十餘州於是移鎮廣陵獲傳國璽送鄴北齊書辛術傳案自此廣陵

入於北齊侯景之敗也以傳國璽自隨使其侍中趙思賢掌之

思賢自京口濟江遇盜從者棄之草間至廣陵以告

郭元建元建取之以與辛術術送之至鄴通鑑梁紀二十

七月廣陵僑民朱盛張象潛結兵襲齊刺史温仲邕陳書

高祖紀上

盛等遣使求援於陳霸先云已克其外城霸先使告

僧辯僧辯曰情偽未可測若審克外城亟須應援不

爾無煩進軍使未報霸先已濟江僧辯乃命武州刺

史杜勣等助之會盛等謀泄霸先因進軍圍廣陵齊

主使告曰請釋圍必歸廣陵歷陽兩城霸先引兵還

京口江北之民從霸先濟江者萬餘口

通鑑梁紀二十

三年春正月安東開府儀同三司陳霸先帥眾攻廣陵

城梁書元帝紀

六月齊冀州刺史段韶將兵趣廣陵陳霸先解圍走

通鑑

梁紀二十一

韶回赴廣陵陳武帝遁去追至楊子柵望揚州城乃

還大獲其軍資器物旋師宿預

北齊書段韶傳

陳

宣帝太建五年三月分命眾軍北伐以鎮前將軍開府

儀同三司吳明徹都督征討諸軍事五月癸酉陽平郡

城降九月丙子左衛將軍樊毅克廣陵楚子城陳書

案自此廣陵復入於陳又案楚子城攻見後金城下

吳明徹別遣徐敬成爲都督乘金翅自歐陽引埭上泝

江由廣陵齊人皆城守弗敢出自繁梁湖下淮圍淮陰

城仍監北兗州淮泗義兵相率響應陳書徐敬成傳案繁梁湖當卽樊

良湖

周羅喉從吳明徹與齊師戰於江陽流矢中其左目隋書

周羅喉傳

六年春正月壬申廣陵金城降

陳書宣帝紀案楚子城金城今皆未詳所在

雍正志謂在魏東豫州之廣陵攻魏書地形志東豫州治廣陵城又豫州廣陵郡下云興和中分東豫州置領

夏陽州志

卷之二十一

事略一

三

新安光城安蠻新蔡汝南凡五縣陳書宣帝紀云宣毅
司馬湛陀克新蔡城隋書地理志弋陽郡下有定城殷
城固始皆云後齊置新蔡郡其同郡之樂安即宋安光
實證又隋志江都郡江陽下云舊曰廣陵後齊置廣陵
江陽二郡開皇初郡廢則北齊以後之廣陵實在今之
揚州而魏所僑置之廣陵已廢故隋志不及
之足知陳書所載決不在彼今存之以俟攻

四月辛丑詔青齊舊隸膠光部落久患凶戎爭歸有道
饑饉疾疫不免流離可遣大使精加慰撫仍出陽平倉

穀拯其懸磬並充糧種勸課士女隨近耕種石鼈等屯
適意修墾同上

七年三月詔豫二兗譙徐合霍南司定九州及江北諸
郡置雲旗義士往大軍及諸鎮備防同上

九年冬十月上聞周人滅齊欲爭徐兗詔南兖州刺史
司空吳明徹督諸軍伐之以其世子戎昭將軍惠覺攝

行州事通鑑陳紀七

十年二月吳明徹圍周彭城列舟艦於城下攻之甚急
王軌引兵輕行據淮口遏陳船歸路明徹決堰乘水勢

退軍至清口水勢漸微舟艦並礙王軌圍而蹙之眾潰
明徹為周人所執將士三萬並器械輜重皆沒於周同上

十一年周以鄖公章孝寬為行軍元帥帥行軍總管杞
公亮郟公梁士彥寇淮南十一月梁士彥拔廣陵同上

周軍進圍壽陽以車騎將軍開府儀同三司南兖州刺

史淳于量為上流水軍都督前豐州刺史皋文奏率步騎三千趣陽平郡十二月南北兗晉三州及盱眙山陽陽平馬頭秦歷陽沛北譙南梁等九州並自拔還京師

陳書宣帝紀案自此廣陵入於周

十二年七月陳紀蕭摩訶等攻廣陵周吳州總管于顛擊破之通鑑陳紀八

廣陵人杜喬生聚眾反刺史元義討平之隋書文帝紀上

八月遣通直散騎常侍超武將軍陳慧紀為前軍都督

趣南兗州九月周廣陵義主曹藥率眾入附陳書宣帝紀

十三年隋文帝開皇元年隋以上開府儀同三司賀若弼為吳

州總管鎮廣陵通鑑陳紀九案是年隋受周禪廣陵入於隋

後主至德元年隋開皇二年賀若誼封海陵郡公隋書誼本傳案誼

封之年據傳當在此

禎明二年隋開皇八年十一月隋遣晉王廣眾軍來伐自巴

蜀沔漢下流至廣陵數十道俱入緣江鎮戍相繼奏聞

陳書後主紀

三年春正月隋開皇九年隋總管賀若弼自北道廣陵濟京

口同上

先是弼以老馬多買陳船而匿之買弊船五六十艘置於濱內陳人覘之以為內國無船弼又請緣江防

人每交代之際必集廣陵於是大列旗幟營幕被野

陳人以為隋兵大至急發兵為備既知防人交代其

眾復散後以為常不復設備又使兵緣江時獵人馬

喧譟故弼之濟江陳人不覺通鑑隋紀一 案隋書 賀若弼傳廣陵作歷陽

疑傳 寫誤

隋

文帝開皇十年十一月江南高智慧等作亂徙上為揚

州總管鎮江都每歲一朝隋書煬帝紀上 案智慧 作亂年月從文帝紀編入

十八年廣陵郡公韓僧壽進爵江都郡公隋書僧壽本 傳 案僧壽

封廣陵在開皇 初年月無攷

煬帝大業元年三月發河南諸郡男女百餘萬開通濟

渠自西苑引穀洛水達於河自板渚引河通於淮遣黃

門侍郎王宏上儀同千士澄往江南採木造龍舟鳳艗

黃龍赤艦樓船等數萬艘八月壬寅上御龍舟幸江都

以左武衛大將軍郭衍為前軍右武衛大將軍李景為

後軍文武官五品以上給樓船九品以上給黃篋舳艫

相接二百餘里隋書煬 帝紀上

尚書右丞皇甫謐又發淮南民十餘萬開邗溝自山

陽至揚子入江渠廣四十步渠旁皆築御道樹以柳

自長安至江都置離宮四十餘所遣王宏等往江南

造龍舟雜船東京官吏督役嚴急役丁死者什四五

通鑑隋紀四

上行幸江都發顯仁宮王宏遣龍舟奉迎

上御小朱航自漕渠出洛口御龍舟龍舟四重高四

十五尺長二百尺上重有正殿內殿東西朝堂中二

重有百二十房皆飾以金玉下重內侍處之皇后乘

翔螭舟制度差小而裝飾無異別有浮景九艘三重

皆水殿也又有漾彩朱鳥蒼螭白虎元武飛羽青鳧

陵波五樓道場元壇樓船板船黃篾等數千艘後宮

諸王公主百官僧尼道士蕃客乘之及載內外百司

供奉之物共用挽船士八萬餘人其挽漾彩以上者

九千餘人謂之殿脚皆以錦綵爲袍又有平乘青龍

艨艟艚舩八擢艇舸等數千艘並十二衛兵乘之并

載兵器帳幕兵士自引不給夫舳艫相接二百餘里

照曜川陸騎兵翊兩岸而行旌旗蔽野所過州縣五

百里內皆令獻食多者一州至百輿極水陸珍奇後

官厭飫將發之際多棄埋之

同上

二年二月定輿服儀衛制度以開府儀同三司何稠爲

太府少卿使之營造送江都帝每出羽儀填街溢路巨

二十餘里

同上

稠參會古今多所損益袞冕畫日月星辰皮弁用漆

紗爲之又作黃麾三萬六千人仗及輅輦車輿皇后
鹵簿百官儀服務爲華盛以稱上意課州縣送羽毛
民來捕之網羅被水陸禽獸有堪斲之用者殆無
遺類所役工十萬餘人用金銀錢帛鉅億

同上

三月庚午上發江都

同上

六年三月幸江都官六月制江都太守秩同京尹

隋書
煬帝

上紀

初帝欲大營汾陽宮令御史大夫張衡具圖奏之衡
承閒進諫帝意甚不平乃出爲榆林太守久之衡督
役築樓煩城因帝巡幸得謁帝惡衡不損瘦以爲不

念咎復遣之榆林未幾敕衡督役江都官禮部尙書

楊元感使至江都衡謂元感曰薛道衡真爲枉死元
感奏之江都郡丞王世充又奏衡頻減頓具帝於是
發怒鎖詣江都市將斬之久乃得釋除名爲民以王
世充領江都官監世充性譎詐有口辨帝數幸江都
世充能伺候顏色爲阿諛雕飾池臺奏獻珍物由是

有寵

通鑑隋
紀五

七年二月己未上升釣臺臨楊子津大宴百寮頒賜各
有差乙亥上自江都御龍舟入通濟渠遂幸涿郡

隋書
煬帝

上紀

重刊府志

卷之六十五

事略一

三

九年八月吳郡朱變晉陵管崇聚眾寇掠江左命虎牙
郎將趙六兒將兵萬人屯楊子分為五營以備南賊崇
遣其將陸顛度江夜襲六兒破其兩營收器械軍資而

去通鑑隋紀六

時朱變管崇擁眾十餘萬帝遣將軍吐萬緒魚俱羅
討之不能克充募江都萬餘人擊頻破之隋書王充

即王世充省世字避唐諱

劉元進據建安遣江都丞王世充發淮南兵數萬人討

之通鑑隋紀六

杜伏威轉掠淮南自稱將軍舊唐書伏威本傳

伏威與輔公祏為刎頸交俱亡命為羣盜時年十六
常出則居前入則殿後其黨服之共推為主下邳苗
海潮亦聚眾為盜伏威使公祏謂之曰今各興大義
力分勢弱何不合以為強則不患隋軍相制公能為
主吾當敬從自揆不堪可來聽命海潮懼即以其眾
歸伏威江都留守遣校尉宋顛討之伏威與戰陽為
奔北引入葭葦中而從上風縱火步騎陷大澤皆燒
死海陵賊帥趙破陳聞伏威兵少輕之召與并力伏
威令公祏嚴兵居外以待變親將十人持牛酒入謁
於坐斬破陳并其眾由此兵威稍盛復屠安宜同上

十年十二月賊帥孟讓眾十餘萬據都梁宮遣江都郡

丞王世充擊破之盡虜其眾隋書煬帝紀下

孟讓據都梁宮阻淮為固稜潛於下流而濟至江都襲

破讓北史陳稜傳

十一年突厥圍帝於雁門世充盡發江都人往赴難在

軍中垢面悲泣曉夜不解甲藉草而坐帝益信任之北史

王世充傳

楊元感之亂龍舟水殿皆為所焚詔江都更造凡數千

艘制度更大於舊者通鑑隋紀六

冬十月東海賊帥李子通擁眾度淮自號楚王建元明

政寇江都隋書煬帝紀下

子通有勇力先依長白山賊帥左才相羣盜皆殘忍

而子通獨寬仁由是人多歸之未半歲有眾萬人才

相忌之子通引去度淮與杜伏威合伏威選壯士為

假子凡三十餘人王雄誕鬪稜為之冠既而子通謀

殺伏威遣兵襲之伏威被重創墜馬雄誕負之逃葭

葦中收散兵復振將軍來整擊破之伏威逃免整又

擊子通破之子通帥其餘眾奔海陵復收兵得二萬

人自稱將軍通鑑隋紀六

州沈覓敵等作亂眾至數萬右禦衛將軍陳稜擊破之

隋書場
帝紀下

江都新作龍舟成送東都宇文述勸幸江都帝從之

以詩留別宮人曰我夢江都好征遼亦偶然是時李

子通據海陵左才相掠淮北杜伏威屯六合眾各數

萬帝遣光祿大夫陳稜將宿衛精兵八千討之往往

克捷通鑑隋紀七帝至江都江淮郡官謁見者專問禮

餉豐薄豐則超遷丞守薄則率從停解江都郡丞王

世充獻銅鏡屏風遷通守歷陽郡丞趙元楷獻異味

遷江都郡守由是郡縣競務刻剝以充貢獻民外為

盜賊所掠內為郡縣所賦生計無遺加之饑饉無食

民始采樹皮葉或擣藁為末或者煮土而食之諸物皆

盡乃自相食而官食猶充物吏皆畏法莫敢振救王

世充密為帝簡閱江淮民間美女獻之由是益有寵

同上十三年即恭帝義寧元年春正月杜伏威破高郵引兵據歷陽

自稱總管同上伏威與虎牙郎將公孫上哲戰鹽城覆其軍帝命陳

稜討之稜不敢戰伏威遺以婦人服書稱陳姥怒其

軍稜果悉兵至伏威出戰稜軍大潰稜走而免進破

高郵引兵攻歷陽據之稱總管分兵徇屬縣皆下江

淮羣盜爭附新唐書杜伏威傳

九月帝括江都人女寡婦以配從軍隋書煬帝紀下

驍果從煬帝在江都者多逃亡帝患之以問裴矩對

曰人情非有匹偶難以久處請聽軍士於此納室帝

從之悉召境內寡婦處女集宮下恣將士所取或先

與姦者聽自首卽以配之通鑑隋紀八

遣攝江都郡丞馮慈明向東都翟讓殺之上同

馮慈明字無佚信都長樂人大業十三年攝江都郡

丞李密逼東都詔慈明安集瀍洛為密黨所執密延

坐謂曰隋祚已盡區宇沸騰今欲率四方之眾問罪

江都卿以為何如慈明日慈明直道事人有死而已

不義之言非所敢對密不悅慈明潛使人奉表江都

及致書東都留守論賊形勢密知其狀義而釋之出

至營門賊帥翟讓亂刀斬之贈昌黎郡公諡壯武隋書

慈明本傳

恭帝義寧二年三月右屯衛將軍宇文化及武賁郎將

司馬德戡元禮監門直閤裴虔通將作少監宇文智及

武勇郎將趙行樞鷹揚郎將孟景內史舍人元敏符璽

郎李覆牛方裕千牛左右李孝本孝質直長許宏仁薛

世長城門郎唐奉義醫正張愷等以驍果作亂入犯宮
闕上崩於温室時年五十蕭后令宮人撤牀簀為棺以
埋之化及發後右禦衛將軍陳稜奉梓宮於成象殿葬

吳公臺下大唐平江南之後改葬雷塘隋書楊帝紀下

字文化及殺太上皇於江都宮右禦衛將軍獨孤盛死

之齊王暕趙王杲燕王倓開府儀同三司行右翊衛大

將軍宇文協內史侍郎虞世基御史大夫裴蘊行給事

郎許善心皆遇害化及立秦王浩為帝自稱大丞相朝

士文武皆受其官爵宿公麥才折衝郎將沈光同謀討

賊夜襲化及營反為所害隋書恭帝紀 案麥才疑傳刻脫

煬帝至江都荒淫益甚宮中為百餘房各盛供張寶

以美人日令一房為主人江都郡丞趙元楷掌供酒

饌常與蕭后及幸姬歷就宴飲酒卮不離口從姬千

餘人亦常醉然帝見天下危亂意亦擾擾不自安退

朝則幅巾短衣策杖步遊徧歷臺館非夜不止汲汲

顧景惟恐不足自曉占候卜相好為吳語常夜置酒

仰視天文謂蕭后曰外間大有人圖儂然儂不失為

長城公卿不失為沈后且共樂飲耳因引滿沈醉又

嘗引鏡自照顧謂蕭后曰好頭頸誰當斫之帝見中

原已亂無心北歸欲都丹陽保據江東乃命治丹陽

宮將徙都之時江都糧盡從駕驍果多關中人久客思鄉里見帝無西意多謀叛歸郎將竇賢遂帥所部西走帝遣騎追斬之而亡者猶不止帝患之虎賁郎將扶風司馬德戡素有寵於帝帝使領驍果屯於東城德戡與所善虎賁郎將元禮直閣裴虔通謀曰今饒果人人欲亡我欲言之恐先事受誅不言於後事發亦不免族滅奈何又聞關內淪沒李孝常以華陰叛上囚其二弟欲殺之我輩家屬皆在西能無此慮乎二人皆懼曰然計將安出德戡曰驍果若亡不若與之俱去二人皆曰善因轉相招引內史舍人元敏

虎牙郎將趙行樞鷹揚郎將孟秉

隋書作景皆避唐諱符融郎

李覆牛方裕直長許宏仁薛世良城門郎唐奉義醫

正張愷勳侍楊士覽等皆同謀日夜相結約於廣座明論叛計無所畏避有宮人白蕭后后曰任汝奏之宮人言於帝帝大怒以爲非所宜言斬之其後宮人復白后后曰天下事一朝至此無可救者何用言之徒令帝憂耳自是無復言者趙行樞與宇文智及素厚楊士覽智及之甥二人以謀告智及智及大喜德戡等期以三月望日結黨西遁智及曰主上雖無道威令尙行卿等亡去正如竇賢取死耳今天實喪隋

英雄並起同心叛者已數萬人因行大事此帝王之業也德戡等然之行樞世良請以智及兄化及爲主結約既定乃告化及化及性駑怯聞之變色流汗既而從之德戡使宏仁愷入備身府告所識者云陛下聞饒果欲叛多醞毒酒欲因享會盡鴆殺之獨與南人留此饒果皆懼轉相告語反謀益急乙卯德戡悉召饒果軍吏諭以所爲皆曰惟將軍命是日風霾晝昏晡後德戡盜御廐馬潛厲兵刃是夕元禮裴虔通直閣下專主殿內唐奉義主閉城門與虔通相知諸門皆不下鍵至三更德戡於東城集兵得數萬人舉火與城外相應帝望見火且聞外譟問何事虔通對曰草房失火外人共救之耳時內外隔絕帝以爲然智及與孟秉於城外集千餘人劫候衛虎賁馮普樂布兵分守衢巷燕王倓覺有變夜穿芳林門側水竇而入至元武門詭奏曰臣猝得中風命懸俄頃請得面辭虔通等不以聞執囚之丙辰天未明德戡授虔通兵以代諸門衛士虔通自門將數百騎至成象殿宿衛者傳呼有賊虔通乃還閉諸門獨開東門驅殿內宿衛者令出皆投仗而走右屯衛將軍獨孤盛謂虔通曰何物兵形勢太異虔通曰事勢已然不預

將軍事將軍慎毋動盛大罵曰老賊是何物語不及被甲與左右十餘人拒戰爲亂兵所殺于牛獨孤開遠帥殿內兵數百人詣元覽門叩閤請曰兵仗尙全猶堪破賊陛下若出臨戰人情自定不然禍今至矣竟無應者軍士稍散賊執開遠義而釋之先是帝選驍健官奴數百人置元武門謂之給使以備非常待遇優厚至以官人賜之司宮魏氏爲帝所信化及等結之使爲內應是日魏氏矯詔悉聽給使出外倉卒之際無一人在者德戡等引兵自元武門入帝聞亂易服逃於西閣虔通與元禮進兵排左閣魏氏啟之遂入永巷問陛下安在有美人出指之校尉令狐行達拔刀直進帝映窗扉謂行達曰汝欲殺我耶對曰臣不敢但欲奉陛下西還耳因扶帝下閣虔通本帝爲晉王時親信左右也帝見之曰卿非我故人乎何恨而反對曰臣不敢反但將士思歸欲奉陛下還京師耳帝曰朕方欲歸正爲上江米船未至今與汝歸耳虔通因勒兵守之至旦孟秉以甲騎迎化及化及戰栗不能言人有來謁之者但俛首據鞍稱罪過化及至城門德戡迎謁引入朝堂號爲丞相虔通謂帝須親出慰勞進其從騎逼帝乘之帝嫌鞍勒傲更易

新者乃乘之虔通執轡挾刀出宮門賊徒喜譟動地
化及揚言曰何用持此物出亟還與手帝問世基何
在賊黨馬文舉曰已梟首矣於是引帝還至寢殿虔
通德戡等拔白刃侍立帝歎曰我何罪至此文舉曰
陛下違棄宗廟巡遊不息外勤征討內極奢淫使丁
壯盡於矢刃女弱填於溝壑四民喪業盜賊蜂起專
任佞諛飾非拒諫何謂無罪帝曰我實負百姓至於
爾輩榮祿兼極何乃如是今日之事孰爲首邪德戡
曰溥天同怨何止一人化及又使封德彝數帝罪帝
曰卿士人何爲亦爾德彝赧然而退帝愛子趙王杲
年十二在帝側號慟不已虔通斬之血濺御服賊欲
弑帝帝曰天子死自有法何得加以鋒刃取鴆酒來
文舉等不許使令狐行達頓帝令坐帝自解練巾授
行達縊殺之初帝自知必及於難常以罌貯毒藥自
隨謂所幸諸姬曰若賊至汝曹當先飲之然後我飲
及亂顧索藥左右皆逃散竟不能得蕭后與宮人撤
漆牀板爲小棺與趙王杲同殯於西苑流珠堂帝每
巡幸常以蜀王秀自隨囚於驍果營化及弑帝欲奉
秀立之眾議不可乃殺秀及其七男又殺齊王暕及
其二子并燕王倓隋氏宗室外戚無少長皆死惟秦

王浩素與智及往來且以計全之齊王暕素失愛於
帝恒相猜忌帝聞亂顧蕭后曰得非阿孩耶化及使
人就第誅暕暕謂帝使收之曰詔使且緩兒兒不負
國家賊曳至街中斬之暕竟不知殺者爲誰父子至
死不相明又殺內史侍郎虞世基御史大夫裴蘊左
翊衛大將軍來護兒秘書監袁充右翊衛將軍宇文
協千牛宇文昂梁公蕭鉅等及其子難將作江陽長
張惠紹馳告裴蘊謀矯詔發郭下兵收化及等扣門
援帝議定遣報虞世基世基疑告反者不實抑而不
許須臾難作蘊歎曰謀及播郎竟誤人事世基宗人

傲謂世基子熙曰事勢已然吾將濟卿南度同死何
益熙曰棄父背君求生何地感尊之懷自此決矣世
基弟世南抱世基號泣請以身代化及不許黃門侍
郎裴矩知必將有亂雖廝役皆厚遇之又建策爲驍
果娶婦及亂作皆曰非裴黃門之罪旣而化及至矩
迎拜馬首故得免以蘇威不預朝政亦免之百官詣
朝堂賀給事中許善心獨不至許宏仁馳告之曰天
子已崩宇文將軍攝政文武咸集天時人事自有代
終何預於叔而低回若此善心怒不肯行宏仁泣而
去化及遣人就家擒至朝堂旣而釋之不舞蹈而出

化及怒曰此人大負氣復命擒還殺之其母范氏年九十二撫柩不哭曰能死國難吾有子矣因臥不食十餘日而卒

通鑑唐紀一

化及以左武衛將軍陳稜爲

江都太守綜領留事令內外戒嚴云欲還長安皇后六宮皆依舊式爲御營營前別立帳化及視事其中仗衛部伍皆擬乘輿奪江都人舟楫取彭城水路西歸以折衝郎將沈光驍勇使將給使營於禁內行至顯福宮虎賁郎將麥孟才虎牙郎錢傑與光謀曰吾儕受先帝厚恩今俛首事讐受其驅帥何面目視息世間哉吾必殺之死無所恨光泣曰是所望於將軍

也孟才乃糾合恩舊帥所將數千人期以晨起將發時襲化及語洩化及夜與腹心走出營外留人告德戡等使討之光聞營內訖知事覺卽襲化及營空無所獲值元敏數而斬之德戡引兵入圍之殺光其麾下數百人皆鬪死一無降者孟才亦死

同

宇文化及引軍北上召稜守江都稜集眾縞素爲煬帝發喪備儀衛改葬於吳公臺下衰杖送喪慟感行路

北史

陳稜傳

稜求得煬帝柩取化及所留輦路鼓吹粗備天子儀衛改葬於江都宮西吳公臺下其王公以下皆列瘞

五在揚州
名之五
於帝學之側
通鑑唐紀二

重修揚州府志卷之六十五

